

膚蹙漏者竅含瘦者骨削薄者殼少散者星落簇
者毛毳仰者如嘯俯者如疑立者如望歆者如嬉
蹲者如怒踞者如思揚者如舞抑者如企端者如
拱斜者如窺前者如待後者如趨聯者如布斷者
如虧尖者如刺利者如刳旣寢甍而竊薛亦窺碧
而嶮峩叶魚羈切况齟齬而曲嶢又巧妙而因依抑且
松檜叢倚栢杉掩映篁筠疎密以相間花卉參差
而互覩蘚衣斑蝕而**黻**蒼木根盤嵌而凸勁玉膏
涵毓而甘香石髓凝結而精潤况復淵泉迸湧流